

Ruj.Kami: MBPJ/090100/T/A6/JId13 (15)
Tarikh: 26 Jun 2015

KENYATAAN AKHBAR

BAZAR RAMADAN BEBAS SAMPAH

Sempena dengan Bulan Ramadan Al-Mubarak, Majlis Bandaraya Petaling Jaya telah menyediakan 19 lokasi tapak bazar Ramadan yang mana sebanyak 1624 lot berniaga dan di bawah seliaan pihak swasta atau persendirian adalah 5 lokasi melibatkan 119 petak yang berdasarkan kepada konsep “Sustainable bazar” /Bazar Mampan diteruskan kesinambungan daripada tahun 2014. Tema bazar Ramadan bagi tahun 2015 adalah **Bazar Ramadan Bebas Sampah.**

Sehubungan dengan itu juga, beberapa dasar telah ditetapkan bagi kriteria bazar mampan. Penambahbaikan yang dilakukan adalah daripada bazar ramadan 2014 di mana kategori makanan, minuman dan bakar diasingkan mengikut skala 3:1 atau 4:1 berdasarkan kepada kesesuaian lokasi dan jenis perniagaan yang akan jalankan, di mana 3 @ 4 makanan dan 1 minuman. Kategori bakar diasingkan daripada kategori makanan dan minuman. Ini bersesuaian dengan konsep mampan yang mana ia akan memberi keselesaan kepada pengunjung yang hadir untuk mendapatkan juadah, meningkatkan tahap kebersihan dan harga yang lebih kompetitif.

Sebagai langkah untuk menjadikan bazar Ramadan kali ini sebagai bazar bebas sampah, langkah-langkah ini telah bermula pada tahun 2014 lagi yang mana majlis telah mengadakan promosi bagi menggalakkan pengunjung membawa bekas guna semula bagi mengurangkan penggunaan plastik dan polistirena dalam strategi majlis mewujudkan ‘**A Clean, Green and Efficient City**’.

Justeru itu, bagi memastikan apa yang telah direncanakan, pihak majlis akan mengadakan anugerah kepada peniaga dan pengunjung bertuah pada sesi lawatan Datuk Bandar, Ahli Majlis kawasan ke lokasi bazar Ramadan di Sek. 4 Kota Damansara dan Seksyen 17 Petaling Jaya. Terdapat 2 kategori iaitu peniaga dan pengunjung. Peniaga yang bertuah akan dipilih berdasarkan mereka yang mematuhi syarat-syarat

lesen dan kesihatan serta yang paling utama adalah menggunakan pembungkusan dari bahan biodegradable.

Tidak dilupakan juga kepada pengunjung yang bertuah akan dipilih yang mana menggunakan mangkuk tingkat ketika membeli juadah sebagai sokongan kepada pelaksanaan *Go Green City*.

Sepanjang berlangsungnya bazar ramadan ini, Jabatan Kesihatan Persekutaran MBPJ telah menjalankan tindakan penguatkuasaan kepada semua peniaga di mana sebanyak 168 hand swab telah dibuat dan didapati 2 positif. Bagi kesalahan penjaja tanpa lesen dan halangan tempat awam pula sehingga 21 Jun 2015, sebanyak 10 notis dan 22 kompaun penjaja tanpa lesen telah dikeluarkan di bawah Undang-undang Kecil Penjaja (MBPJ) 2007. Di samping itu, sebanyak 103 notis halangan tempat awam telah dikeluarkan di bawah Akta Jalan, Parit dan Bangunan 1974 (Akta 133) di atas kesalahan meninggalkan barang selepas berniaga.

Bagi menilai keberkesanan kempen penggunaan produk dari bahan biodegradable Bahagian Alam Sekitar MBPJ, telah menjalankan kajian ke atas semua peniaga berkenaan penggunaan produk biodegradable.

Hasil Pemantauan / Kajiselidik :

LOKASI	SS6/1, KELANA JAYA
PETAK YANG DISEDIAKAN	250
JUMLAH PENJAJA TERLIBAT DALAM KAJISELIDIK (RESPONDEN)	135
JUMLAH PENJAJA MENGGUNAKAN POLISTRIN	10
PERATUS PENJAJA YANG MENGGUNAKAN POLISTRIN	7.41%
PERATUS PENJAJA YANG TIDAK MENGGUNAKAN POLISTRIN	92.59%

Seramai 135 orang penjaja (responden) yang terlibat dalam kajiselidik ini. Didapati hanya 7.41% penjaja yang menggunakan polistrin dalam pembungkusan makanan di Bazar Ramadhan SS6/1, Kelana Jaya. Antara alasan utama yang diberikan oleh penjaja yang menggunakan bahan polistrin adalah kerana kos yang tinggi dalam menggunakan barang *biodegradable*. Program pendidikan dan kesedaran mengenai larangan penggunaan polistrin serta galakan penggunaan barang *biodegradable* perlu diteruskan agar matlamat sifar polistrin dapat dijayakan di Petaling Jaya.

Dicadangkan agar syarat menggunakan barang *biodegradable* yang terdapat dalam syarat lesen penjaja dikuatkuasakan pada masa depan seterusnya menyeluruh ke atas peniaga di Petaling Jaya.

Sebagai langkah galakkan agar peniaga menggunakan bahan daripada produk biodegradable sebanyak 500 pek percuma akan diedarkan kepada peniaga bazar Ramadan.

Majlis juga akan membuka kaunter di lokasi bazar Ramadan yang terpilih bagi membolehkan para peniaga dan pengunjung menjual minyak masak terpakai kepada Majlis dengan kadar harga RM0.80sen setiap 1 kilogram.

KEMPEN KITAR SEMULA MINYAK MASAK TERPAKAI

- **Buka jam 4.00 hingga 7 malam**
- **Servis:** -
 - **Membeli minyak masak terpakai dengan harga RM 0.80 sekilogram**
 - **Rundingan penyertaan organisasi penduduk / agensi / perniagaan dalam Kempen MBPJ**

BIL	LOKASI	TARIKH
1	Seksyen 17/1A, Petaling Jaya	18/6/2015
2	Jalan Teknologi 3/6, Kota Damansara	20/6/2015
3	Seksyen 4, Kota Damansara	26/6/2015
4	SS 6/1, Kelana Jaya	27/6/2015
5	Vista Business Centre Damansara Damai	4/7/2015
6	Jalan PJS 2D/9, Taman Medan	11/7/2015

Selain daripada itu, **Jabatan Pengurusan Sisa Pepejal dan Pembersihan Awam juga turut membuka kaunter penembusan hadiah** bagi pengunjung yang membawa bekas makanan sendiri semasa membeli makanan/minuman di bazar Ramadan terpilih. Kaunter penembusan hadiah ini akan di buka di lokasi-lokasi berikut :-

BIL	LOKASI	TARIKH
1	Jalan Teknologi 3/6, Kota Damansara	20/6/2015
2	Seksyen 17/1A, Petaling Jaya	21/6/2015
3	Seksyen 4, Kota Damansara	26/6/2015
4	SS 6/1, Kelana Jaya	27/6/2015
5	Taman Sri Manja	28/6/2015
6	Vista Business Centre Damansara Damai	4/7/2015
7	Apartment Meranti, Bandar Sri Damansara	5/7/2015
8	Jalan PJS 2D/9, Taman Medan	11/7/2015
9	Seksyen 4, Kota Damansara	12/7/2015

Adalah menjadi harapan besar Majlis ke semua bazar Ramadan di kawasan Petaling Jaya akan dijadikan pilihan utama dengan menawarkan barang yang berkualiti dalam keadaan persekitaran bersih dan teratur kepada pengunjung.

Dikeluarkan oleh:

**Sekretariat Media
Unit Perhubungan Awam,
Majlis Bandaraya Petaling Jaya.**

Laman web: www.mbpj.gov.my, facebook: Petaling Jaya City Council, twitter: pjcitycouncil, emel: media@mbpj.gov.my Tel : 03-79563544 sambungan 203/204, Faks : 03-79582695